



Open  
Government  
Partnership



**Raporti i vetëvlerësimit**  
**PLANI KOMBËTAR I VEPRIMIT**  
**2020-2022**

DRAFT

**SHQIPËRI**

## Komponenti III:

### Qeveria e Hapur me qëllim të Aksesit, Transparencës dhe Llogaridhënies

#### I. PËRMBLEDHJE EKZEKUTIVE

Transparenca, llogaridhënia dhe aksesit në drejtësi janë parimet kyçe operacionale të njohura për qeverisje të mirë duke përbërë kështu shtyllën kryesore të demokracisë. E drejta e aksesit në drejtësi është parimi kushtetues me anë të të cilit garantohet ushtrimi i të drejtave dhe lirive themelore të njeriut, një kusht esencial për ekzistencën e shtetit të së drejtës, që udhëheq organizimin dhe mirëfunksionimin e drejtësisë në vend.

Qeveria Shqiptare ka mbështetur iniciativën shumëpalëshe të ndërrmarë, siç është Partneriteti i Qeverisë së Hapur si një nga mjetet e rëndësishme që bashkon reformatoret e qeverisë dhe drejtuesit e shoqërisë civile për të promovuar rritjen e aksesit në drejtësi në shërbimet publike dhe rritjen e përgjegjësisë përmes qasjeve të koordinuara, me qëllim përmirësimin e cilësisë së informacionit për publikun.

Ky komponent ka gjetur shtrirje të gjërë duke u materializuar dhe ndërlidhur fort me zbatimin e reformës në drejtësi, Strategjinë Ndërsektoriale të Drejtësisë (SND), Strategjinë Ndërsektoriale Antikorrupsion (SNKK), Strategjinë e Drejtësisë për të Mitur (SDM), Strategjinë për Edukimin Ligjor të Publikut (SELP), si dhe masat e tjera të ndërrmara nga Qeveria në përmbushje të misionit të saj për një qeverisje/politikë të hapur, transparente dhe llogaridhënëse.

Me inicimin e Reformës në Drejtësi, një reformë e thellë që po prek në tërësi çdo element të sistemit aktual të drejtësisë, u iniciua edhe një reformim i sistemit të ndihmës juridike, duke ofruar një frymë të re, në sinkron me kërkesat dhe legjislacionin e Bashkimit Evropian dhe si një mekanizëm lehtësues që përdoret për të rritur aksesin në drejtësi për grupet që nuk kanë mundësi financiare për të paguar tarifat ligjore pranë organeve/gjykatave dhe njëkohësisht për të mundësuar këshillim ose mbrojtje ligjore. Programet e ndihmës juridike falas synojnë të sjellin sistemin e drejtësisë më afër nevojës së qytetarëve. Për këtë arsye ky komponent është përqëndruar në sigurimin e mjeteve juridike efektive por edhe të arritshme dhe të përballueshme për zgjidhjen e problematikave.

Në këtë kuadër duhet theksuar se pavarësia e sistemit gjyqësor dhe integriteti i tij, janë një parakusht thelbësor për të siguruar që nuk ka diskriminim në administrimin e drejtësisë. Në përgjigje të nevojave dhe problematikave u synua ndërmarrja e angazhimeve duke përfshirë një qasje të trefishtë mbi aksesin, transparencën dhe llogaridhënien. Puna e realizuar në kuadër të këtij komponenti ka vijuar me prioritet me qëllim identifikimin e sfidave dhe përmirësimin e hapave të mëtejshëm për një proces zbatueshmërie efektiv.

Prioriteti aktual mbi aksesin në drejtësi, do të vazhdojë me synimin për të përmirësuar këtë komponent dhe për të arritur një qeveri transparente në përputhje me praktikat më të mira dhe standardet europiane.

**ANGAZHIMET****ANGAZHIMI SPECIFIK****KOMPONENTI 3: ANGAZHIMI 6 dhe 7****Qeveri e Hapur me qëllim të Aksesit, Transparencës dhe Llogaridhënies****PERIUDHA E IMPLEMENTIMIT: 2020-2022****Institucioni udhëheqës** Ministria e Drejtësisë**PERSHKRIMI I ANGAZHIMIT****Cila është problematika dhe cfarë do të adresojë angazhimi respektiv?**

Komponenti 3 “Aksesi në drejtësi” synon adresimin e problematikave të faktorëve strukturorë dhe institucionalë, përfshirë këtu kompleksitetin dhe kostot e proceseve ligjore të cilët pengojnë qasjen në drejtësi veçanërisht për grupet vulnerabël dhe grupet e marginalizuara. Një nga parimet dhe obligimet kryesore të udhëheqjes së mirë është transparenca dhe llogaridhënia e cila ndikon drejtpërsëdrejti në besueshmërinë e qytetarëve ndaj sistemit të drejtësisë. Forcimi i efikasitetit, transparencës dhe paanësisë në gjykata është paraqitur si një sfidë e rëndësishme e cila kërkon krijimin e mekanizmave të thjeshtë dhe sa më pak burokratik për të siguruar shërbime të drejta, transparente, efektive, jodiskriminuese dhe të përgjegjshme që promovojnë aksesin në drejtësi për të gjithë qytetarët.

**Cili është angazhimi?**

Qëllimi i politikës së komponentit III është ndërtimi dhe zhvillimi i një politike të hapur që i siguron qytetarëve të saj akses në drejtësi, transparencë dhe llogaridhënie. Angazhimi synohet të arrihet nëpërmjet bashkëpunimit ndërinsitucional me institucionet publike/organizata kombëtare e ndërkombëtare si dhe aktorëve të shoqërisë civile në kuadër të forcimit të këtij komponenti gjithëpërfshirës duke u përputhur me kërkesat e integritetit evropian. Ky angazhim përfshin një seri aktivitetsht të cilat synojnë implementimin e plotë të ofrimit dhe garantimin e ndihmës juridike efektive duke u siguruar qytetarëve akses të plotë. Gjithashtu, ky komponent adreson aktivitete/masa me synimin e zbatueshmërisë së tyre në kuadër të rritjes së kapaciteteve profesionale dhe teknike me qëllim publikimin e informacionit të dobishëm për qytetarët, rritjen e transparencës dhe përmirësimin e aksesit të informacionit.

***Rezultatet e pritura:***

- Drejtoria e Ndihmës Juridike Falas plotësisht funksionale për të siguruar ndihmën ligjore dhe udhëzime të nevojshme për çdo qytetar në pamundësi për të për të paguar mbështetjen ligjore.
- Bashkëpunim i përmirësuar ndërmjet MD dhe klinikave ligjore, Dhomës Kombëtare të Ndërmjetësve, Shoqatës së Avokatëve të Shqipërisë, OJF-ve.

	<ul style="list-style-type: none"> <li>- Faqja e Ministrisë së Drejtësisë plotësisht funksionale me informacion të publikuar në kohë reale dhe të kuptueshëm.</li> <li>- Rritja e ndërgjegjësimit të qytetarëve dhe qasja në shërbime.</li> </ul>
<p><b>Si do të kontribojë angazhimi për të zgjidhur problematikën përkatëse?</b></p>	<p><b><i>Përmbledhje ekzekutive mbi rezultatet kryesore të cilat janë arritur në zgjidhjen e problemit të identifikuar.</i></b></p> <p>Në kuadër të përmirësimit të angazhimit, qeveria shqiptare ka qënë vazhdimisht në përmirësim të mekanizmave të duhur për të lehtësuar aksesin e qytetarëve në drejtësi dhe për të forcuar besimin e tyre tek sistemi i drejtësisë shqiptare. Si hap kryesor në fillimin e këtij procesi ishte evidentimi i masave prioritare që mund të promovojnë dhe rrisin aksesin, transparencën dhe llogaridhënien. Më tej u vijua me zbatimin dhe implementimin e aktiviteteve të propozuara dhe bashkëkrijuara nëpërmjet takimeve të koordinuara me aktorët e shoqërisë civile dhe grupet e interesit të cilët u inkurajuan të japin komente, ide dhe reagime të përgjithshme gjatë konsultimeve duke përmblusur kështu kushtet dhe standardet e vendosura në kornizën e metodologjisë së OGP, si dhe hapi final vlerësimi i zbatueshmërisë së aktiviteteve të krijuara në kuadër të këtij komponenti. Angazhimet e sipërpërmendura në kuadër të procesit të zbatueshmërisë janë shoqëruar me rezultate ku evidentohen indikacionet pozitive dhe progres në kuadër të këtij komponenti.</p> <p><b><i>Angazhimi 6</i></b></p> <p><b><i><u>Masa prioritare 1: Ndihma Juridike ofrohet në formë efikase e cila u siguron qytetarëve në nevojë, qasje të plotë në një shërbim të tillë.</u></i></b></p> <ul style="list-style-type: none"> <li>- <b>Funksionimi me kapacitet të plotë i Drejtorisë së Ndihmës Juridike Falas</b></li> </ul> <p>Drejtorja e Ndihmës Juridike Falas, është person juridik publik nën varësinë e Ministrit të Drejtësisë, organizimi i brendshëm i së cilës është miratuar nga Kryeministri, me Urdhër nr. 59, datë 25.03.2019 “Për miratimin e strukturës dhe të organikës së Drejtorisë Ndihmës Juridike Falas” me propozimin e Ministrit të Drejtësisë, në përputhje me legjislacionin në fuqi.</p> <p>Në Shkurt të vitit 2021, është bërë i mundur rekrutimi i vendeve vakante të DNJF përfshirë këtu edhe stafin drejtues duke mundur kështu realizimin e këtij objekti në masën 100%.</p> <p>Sa i përket punonjësve me trajnim të posaçëm pranë Qendrave të Shërbimit të Ndihmës Juridike Parësore, janë rekrutuar punonjësit pranë qendrave Lezhë, Vlorë, Fier dhe Dibër (5 punonjës).</p>

- **Trajnimi i ofruesve të shërbimit të ndihmës juridike parësore dhe dytësore**

**Bashkëpunimi me Euralius**

Datë 18.03.2021 Drejtoria e Ndihmës Juridike Falas në bashkëpunim me Euralius V dhe Shkollën e Magjistraturës zhvilluan trajnimin online mbi ligjin nr.111/2017 “Për ndihmën Juridike të Garantuar nga Shteti”. Ky trajnim u zhvillua nga ekspertë kombëtarë dhe ndërkombëtarë të Euralius dhe të Shkollës së Magjistraturës.

Pjesë e trajnimit ishte stafi i Drejtorisë së Ndihmës Juridike Falas, ofruesit e ndihmës juridike parësore, ofruesit e ndihmës juridike dytësore dhe me praninë e veçantë të gjyqtarëve dhe përfaqësues të gjykatave të Republikës së Shqipërisë. U diskutua mbi një vështrim të përgjithshëm të sistemit të ndihmës juridike të garantuar nga shteti dhe më pas duke u ndalur në terma konkretë dhe raste praktike. Nëpërmjet këtij trajnimi u diskutuan problematikat e hasura nga aktorët kryesorë dhe arrijten e një qëndrimi unifikues në zgjidhjen e tyre.

Forcimi i kapaciteteve të ofruesve të shërbimit të ndihmës juridike parësore dhe dytësore (bashkëpunimi me ASPA, DHASH dhe UNDP)

**Sa i përket trajnimit të ofruesve të shërbimit të ndihmës juridike parësore:**

DNJF ka patur një komunikim të vazhdueshëm me Shkollën Shqiptare të Administratës Publike (ASPA), me qëllim dakordësimin mbi zhvillimin e trajnimeve për punonjësit me trajnim të posaçëm, si detyrim ligjor i parashikuar në shkronjën “g”, të nenit 8, të ligjit nr.111/2017. Në kushtet kur buxheti i DNJF është i pamjaftueshëm për trajnimin e detyrueshëm të punonjësve të qendrave të shërbimit të ndihmës juridike parësore, DNJF kërkoi nga ana e UNDP mbështetjen për zhvillimin e këtyre trajnimeve.

**Përgjatë periudhës Maj-Qershor 2021:**

-U zhvillua kursi online “Ndihma juridike parësore e garantuar nga shteti” si pjesë e Projektit “Shtrirja e shërbimit të ndihmës juridike për gratë dhe burrat në Shqipëri” zbatuar nga PNUD në partneritet me Ministrinë e Drejtësisë dhe me financim të Bashkëpunimit Austriak për Zhvillim (ADC). Kursi online u zhvillua me një kohëzgjatje 18 orë në total ku çdo pjesëmarrës ka pasur mundësinë e coaching individual me trajneren Dr. Nadia Rusi dhe pjesëmarrjen e suksesshme të punonjësve të Drejtorisë së Ndihmës Juridike Falas dhe Qendrave të Shërbimit të Ndihmës Juridike Parësore. Me zhvillimin e këtij trajnimi u bë e mundur përmbushja e detyrimit ligjor të trajnimit të detyrueshëm të qendrave të shërbimit të ndihmës juridike parësore.

**Sa i përket trajnimit të ofruesve të shërbimit të ndihmës juridike dytësore:**

Me qëllim asistimin e avokatëve në procesin e dhënies së ndihmës juridike dytësore, raportimit për sa i përket ndjekjes së çështjeve, ndërveprimit të Drejtorisë së Ndihmës Juridike Falas me Dhomat Vendore të Avokatisë si dhe të shkëmbimit të konsideratave, u zhvillua trajnimi i dedikuar për ndihmën juridike dytësore.

Ky trajnim u zhvillua si rezultat i bashkëpunimit ndërmjet UNDP, ADA, DhAsh, MD dhe Drejtorisë së Ndihmës Juridike Falas.

Trajnimi u konsultua në 2 sesione gjatë të cilave janë diskutuar tema specifike të ndërlidhura me ofrimin e shërbimit, parë kjo dhe nga këndvështrimi i praktikës.

#### **Sesioni i parë i trajnimit: datat 15-16 Prill 2021.**

Gjatë këtij sesioni trajnimi ofruesit e ndihmës juridike dytësore janë trajnuar specifikisht mbi: Legjislacionin mbi ndihmën juridike dhe rëndësinë e tij edhe në nivel ndërkombëtar; Ligjin për ndihmën juridike dhe aktet nënligjore të miratuara në zbatim të tij; Format e shërbimit të ndihmës juridike dhe subjektet përfitues të shërbimit; Standardet e ofrimit të shërbimit në përputhje me jurisprudencën e GJEDNJ-së. Diskutime praktike ndërmjet ofruesve të shërbimit, Dhomave të Avokatisë dhe Drejtorisë së Ndihmës Juridike Falas.

#### **Sesioni i dytë i trajnimit: datat 22 dhe 23 Prill 2021.**

Pas diskutimeve të temave mbi kuadrin ligjor të përgjithshëm mbi ndihmën juridike, sesioni i dytë i trajnimit ju dedikua temave të posaçme të lidhura me kategoritë e veçanta përfituese të ligjit. Me zhvillimin e këtij trajnimi u bë e mundur përmbushja e detyrimit ligjor të trajnimit të detyrueshëm të avokatëve, ofrues të shërbimit të ndihmës juridike dytësore.

#### **Zhvillimi i Webinareve nga DNJF**

Në kuadër të njohjes së ofruesve të shërbimit me procedurat e përcaktuara në aktet nënligjore qoftë sa i përket raportimit të të dhënave, qoftë sa i përket procedurës së mbikëqyrjes së cilësisë së shërbimit, DNJF ka zhvilluar tre uebinare me qëllim diskutimin më në detaje të akteve nënligjore dhe konkretisht:

**1.** Webinar me punonjësit e rinj me trajnim të posaçëm pranë Qendrave të Shërbimit të Ndihmës Juridike Parësore në qytetet e Fierit, Dibër, Lezhë dhe Vlorë, (Janar 2021).

Qëllimi kryesor i këtij Uebinari ishte prezantimi i sistemit të ndihmës juridike të garantuar nga shteti në terma më konkretë dhe bashkëbisedimi aktiv i ofruesve të shërbimit, mbajtjes të të dhënave dhe administrimit të tyre sipas formateve të reja të përcaktuara nga aktet nënligjore.

**2.** Trajnim i studentëve të angazhuar në Klinikat e Ligjit pranë IAL-ve (Shkurt 2021).

Stafi i Drejtorisë së Ndihmës Juridike Falas zhvilloi trajnimin me temë “Aksesi në drejtësi dhe risitë e ligjit nr. 111/2017 “Për ndihmën juridike të garantuar nga shteti”, mbajtur me studentët e angazhuar në Klinikat e Ligjit pranë IAL-ve me të cilat Drejtoria e Ndihmës Juridike Falas ka lidhur marrëveshje bashkëpunimi. Në

këtë takim online u trajtuan temat: “Instrumentët ndërkombëtarë që garantojnë aksesin në drejtësi të qytetarëve ndërmjet ofrimit të ndihmës juridike falas; Sistemi i ndihmës juridike parësore; Sistemi i ndihmës juridike dytësore; Arritjet e sistemit të ndihmës juridike të garantuar nga shteti dhe sfidat për të ardhmes si dhe parashtrimi i rasteve praktike nga punonjësit e Qendrës së Shërbimit të Ndihmës Juridike pranë Ministrisë së Drejtësisë”.

Në fund të këtij aktiviteti studentët u pajisën me një vërtetim pjesëmarrjeje si dhe ju bë me dije mundësia për aplikim në kuadër të praktikave 3 mujore të punës (Prill-Qershor 2021) pranë DNJF si dhe qendrave të shërbimit të ndihmës juridike parësore;

**3.**Trajnim online mbi ligjin nr.111/2017 “Për ndihmën Juridike të Garantuar nga Shteti” (Mars 2021), më datë 18.03.2021.

Drejtorja e Ndihmës Juridike Falas në bashkëpunim me Eurlius V dhe Shkollën e Magjistraturës zhvilluan trajnimin online mbi ligjin nr.111/2017 “Për ndihmën Juridike të Garantuar nga Shteti” Ky trajnim u zhvillua nga ekspertë kombëtarë dhe ndërkombëtarë të Euralius dhe të Shkollës së Magjistraturës. Në këtë trajnim morën pjesë stafi i Drejtorisë së Ndihmës Juridike Falas, ofruesit e ndihmës juridike parësore, ofruesit e ndihmës juridike dytësore dhe me praninë e veçantë të gjyqtarëve dhe përfaqësues të gjykatave të Republikës së Shqipërisë. U diskutua mbi një vështrim të përgjithshëm të sistemit të ndihmës juridike të garantuar nga shteti dhe më pas duke u ndalur në terma konkretë dhe raste praktike. Nëpërmjet këtij trajnimi u diskutuan problematikat e hasura nga aktorët kryesorë dhe arrijten e një qëndrimi unifikues në zgjidhjen e tyre.

Përgjatë periudhës Janar-Qershor 2021, në kuadër të forcimit të bashkëpunimit me institucionet e tjera që kanë në fokus të tyre mbrojtjen e të drejtave ligjore të qytetarëve është bërë e mundur nënshkrimi i 3 (tre) marrëveshjeve të bashkëpunimit “Për sigurimin e aksesit në drejtësi të qytetarëve nëpërmjet ofrimit të shërbimit të ndihmës juridike falas sipas përcaktimeve të ligjit nr. 111/2017, “Për ndihmën juridike të garantuar nga shteti” dhe konkretisht:

1. Marrëveshje bashkëpunimi me nr. 13/4 prot., datë 07.01.2021, me Organizatën Drejtësi Sociale;
2. Marrëveshje bashkëpunimi me nr. 1643 prot., datë 27.05.2021, me Drejtorinë Rajonale të Shërbimit Social Shkodër
3. Marrëveshje bashkëpunimi me nr. 498 prot., datë 26.05.2021, me Shoqatën e Invalidëve të Punës.

- **Bashkëpunimi me organizatat ndërkombëtare mbështetëse (UNDP/EURALIUS/OSFA)**



## **1. Bashkëpunimi me UNDP**

Hapja e qendrave të shërbimit të ndihmës juridike parësore.

Në mbështetje të Marrëveshjes për zbatimin e projektit, “Shtrirja e shërbimeve të ndihmës ligjore falas për gratë dhe burrat në Shqipëri” midis Ministrisë së Drejtësisë, UNDP dhe Agjencisë Austriake për Zhvillim (ADA), si dhe në zbatim të Letrës së Bashkëpunimit (Korrik 2020-Maj 2022), është bërë e mundur hapja dhe kalimi nën administrim të Drejtorisë së Ndihmës Juridike Falas i 8 (tetë) qendrave të shërbimit të ndihmës juridike parësore në të cilat ushtrojnë funksionet aktualisht 14 (katëmbëdhjetë) punonjës me trajnim të posaçëm në qytetin e Durrësit, Fierit, Lezhës, Gjirokastrës, Pogradecit, Dibrës, Shkodrës dhe Vlorës. (informacion më i detajuar, gjendet në kreun përkatës).

-Zhvillimi i trajnimeve për ofruesit e shërbimit të ndihmës juridike parësore dhe dytësore

Me mbështetjen e UNDP është bërë i mundur zhvillimi i trajnimit të detyrueshëm të ofruesve të shërbimit të ndihmës juridike parësore dhe dytësore (informacion më i detajuar, gjendet në kreun përkatës).

## **2. Bashkëpunimi me Euralius**

Një ndër partnerët mbështetës të drejtorisë në kuadër të çështjeve të ndihmës juridike falas është EURALIUS, organizatë e cila përgjatë kësaj periudhe është angazhuar në mbështetje të DNJF në zhvillimin e aktiviteteve si vijon:

-Publikimi i Manualit të Ligjit nr.111/2017, dhe akteve nënligjore të miratuara në zbatim të tij

Qëllimi i këtij manuali është të ofrojë një përmbledhje të koncentruar mbi sistemin e ri të ndihmës juridike dhe udhëzime për zbatimin në praktikë të të gjithë kuadrit ligjor në këtë fushë. Ky manual i është shpërndarë të gjitha Gjykatave të Republikës së Shqipërisë, Dhomave Vendore të Avokatisë; Qendrave të Shërbimit të Ndihmës Juridike Parësore; Klinikave të Ligjit pranë IAL-ve; Organizatave Jofitimprurëse të Autorizuara; Institucioneve të Pavarura si dhe gjendet i publikuar në faqen zyrtare të DNJF.

- Zhvillimi i trajnimeve për ofruesit e shërbimit të ndihmës juridike parësore dhe dytësore

Më datë 18.03.2021 Drejtoria e Ndihmës Juridike Falas në bashkëpunim me Euralius V dhe Shkollën e Magjistraturës zhvilluan trajnimin online mbi ligjin nr.111/2017 “Për ndihmën Juridike të Garantuar nga Shteti” Ky trajnim u zhvillua nga ekspertë kombëtarë dhe ndërkombëtarë të Euralius dhe të Shkollës së Magjistraturës Në këtë trajnim morën pjesë stafi i Drejtorisë së Ndihmës Juridike Falas, ofruesit e ndihmës juridike parësore, ofruesit e ndihmës juridike dytësore dhe me praninë e veçantë të gjyqtarëve dhe përfaqësues të gjykatave të Republikës së Shqipërisë.U diskutua mbi një vështrim të përgjithshëm të sistemit të ndihmës juridike të garantuar nga shteti dhe më pas duke u ndalur në terma konkretë dhe raste praktike. Nëpërmjet këtij

trajnimi u diskutuan problematikat e hasura nga aktorët kryesorë dhe arrijten e një qëndrimi unifikues në zgjidhjen e tyre.

### **3. Bashkëpunimi me OSFA**

- Ofrimi i ndihmës juridike parësore falas përmes Qendrës së Ndihmës Juridike Parësore në Tiranë

Përmes projektit: “Ofrimi i ndihmës juridike parësore falas përmes Qendrës së Ndihmës Juridike Parësore në Tiranë” Drejtoria e Ndihmës Juridike Falas, ka administruar qendrën e shërbimit të ndihmës juridike parësore Tiranë; në muajin Prill 2021, me mbështetjen e Fondacionit OSFA. (informacion më i detajuar, gjendet në kreun përkatës).

- Projekt propozimi: “Angazhimi pro-aktiv i paraligjorëve në kuadër të rritjes së aksesit të kategorive vulnerabël në shërbimet e ndihmës juridike të garantuar nga shteti”

Sikurse rezulton edhe nga eksperiencia e shteteve e ndyshme, është e nevojshme që ofrimi i shërbimit të ndihmës juridike parësore të ketë një qasje më proaktive me qëllim identifikimin paraprak të kategorive më në nevojë të cilët hasen me problematika ligjore. Si rrjedhojë, përfshirja e paraligjorëve në ofrimin e ndihmës juridike është një mundësi mjaft e mirë sa i përket identifikimit të komuniteteve në nevojë si dhe vendosjes së një lidhje mes institucioneve shtetërore me komunitetin. Për këtë arsye, Drejtoria e Ndihmës Juridike Falas ka propozuar pranë OSFA mbështetjen sa i përket projekt-propozimit : “Angazhimi pro-aktiv i paraligjorëve në kuadër të rritjes së aksesit të kategorive vulnerabël në shërbimet e ndihmës juridike të garantuar nga shteti”.

Ky projekt ka për synim rekrutimin e 2 paraligjorëve pranë Qendrës së Shërbimit të Ndihmës Juridike Parësore të cilët do të ushtrorjnë veprimtarinë e tyre në terren me qëllim evidentimin e komuniteteve (kategori perfituese të ligjit) që kanë nevojë për shërbim ligjor falas si dhe zhvillim e aktiviteteve promovuese/dergjegjesuese.

- Objektivi nr. 1: Angazhimi i 2 (dy) paraligjorëve pranë Qendrës së Shërbimit të Ndihmës Juridike Parësore Tiranë

- Objektivi nr. 2: Trajnimi i paraligjorëve mbi sistemin e ndihmës juridike të garantuar nga shteti nga Drejtoria e Ndihmës Juridike Falas

- Objektivi nr. 3: Krijimi i një rrjeti me paraligjorët e tjerë të angazhuar pranë Organizatave Jofitimprurëse me fokus bashkëpunimin në referimin e rasteve dhe zgjidhjen e problematikave.

Nga ana e Fondacionit OSFA jemi bërë me dije mbi miratimin e këtij projekt-propozimi dhe do të procedohet me nënshkrimin e kontratës së grantit në muajin Korrik 2021.

***Masa prioritare 2: Procedura e ndërmjetësimit si një mekanizëm zgjidhjeje alternative, funksionale në praktikë jo vetëm në ligj, është efikase dhe çështjet zgjidhen me pëlqim dhe marrëveshje të plotë të palëve.***

- Dhoma Kombëtare e Ndërmjetësve si një mekanizëm alternative për qytetarët për zgjidhjen e problemeve ligjore ka forcuar bashkëpunimin ndërinstytucional me Ministrinë e Drejtësisë në kuadër të rritjes dhe përmirësimit të kapaciteteve profesionale të ndërmjetësve përmes organizimit të trajnimeve fillestare dhe vazhduese. Në këtë kuadër janë përcaktuar dhe miratuar rregulloret mbi trajnimet dhe metodat e provimit për testimin e kandidatëve ndërmjetës; Urdhri Nr.89, datë 23.02.2021 “Për miratimin e rregullores së trajnimit fillestar dhe vazhdues, për zgjedhjen e trajnerëve, trajnimin dhe vlerësimin e performancës së tyre”, si dhe Urdhër Nr.90, datë 23.02.2021 “Për miratimin e rregullores së provimit të kualifikimit për profesionin e ndërmjetësit”. Në zbatim të këtij urdhëri ka filluar trajnimin fillestar, 1 vjeçar me 60 kredite, me 97 kandidatë, i cili përfundon në maj 2022, bazuar një Programi e Moduli të miratuar nga Ministri i Drejtësisë. (Publikuar në faqen zyrtare të Dhomës Kombëtare të Ndërmjetësve). Gjithashtu është zhvilluar trajnimi i vazhduar për Anëtarët e Dhomës Kombëtare të Ndërmjetësve, në zbatim të Kodit për të Mitur dhe Ndërmjetësit për mosmarrëveshjet e punës. U ngrit një grup për trajnimin e Trajnerëve, i cili mbetet si aset i DHKN-së, sipas Kurikulave Kombëtare dhe Ndërkombëtare.
- Në kuadër të fushatave ndërgjegjësuese, që Shërbimi i Ndërmjetësimit të ketë një përfshirje në të gjithë territorin e Shqipërisë, janë realizuar takime të shumta, janë shpërndarë fletëpalosje në të gjithë Shqipërinë dhe Hand Book, ku shpjegohet mënyra e kontaktit të Ndërmjetësve dhe Llojet e Mosmarrëveshjeve që zhgjidhen me Ndërmjetësim. Janë vendosur Tabela në cdo gjykatë në rrethe, dhe fletëpalosje nga Dhoma Kombëtare e Ndërmjetësve. Nga bashkëpunimet në OJF, janë hapur 2 zyra Tiranë e Durrës për fushatë informimi ( DHKN&MD&CSSP ) duke bashkëpunuar me Drejtorinë e Ndihmës Juridike Falas, duke dhënë shërbim falas nëpërmjet ALTRI-t , pranë Gjykatave Shkodër, Pogradec, Tiranë e Durrës . Një rol të madh në ndërgjegjësim, ka luajtur Media on-line dhe e shkruar, ku janë realizuar marrëveshje me shumë TV, duke dhënë shumë informacion me artikuj shkencor, në emisione televizive & informative dhe shkrimeve të shumta në gazeta.
- Dhoma Kombëtare e Ndërmjetësve, ka vijuar takimet me Partnerët e Projektit; Ministrinë e Drejtësisë, CSSP dhe AFCR në kuadër të procesit të

krijimit të një bazë elektronike të të dhënave me qëllim regjistrimin e çdo ndërmjetësi që do të ushtrojë këtë aktivitet. Regjistri është në momentet e finalizimit, ku nga shtatori do të trajnohen dhe ndërmjetësit, mbi mënyrën e regjistrimit të çështjeve, që një qytetar, nëpërmjet on-line të zgjedhë ndërmjetësimin më të përgatitur dhe që ka zgjidhur sa më shumë çështje. Ky Database do ketë 3 platforma:

1. Nga administratori i cili do të manaxhoje të gjithë Regjistrin, pra gjithë mënyrën e regjistrimit dhe korrigjimit.
2. Ndërmjetësit që do të hedhin gjithë çështjet e tyre në këtë sistem.
3. Qytetarët do të kenë akses vetëm sipas qyteteve, sipas moshave apo çështjeve, ndërmjetësimin më me eksperiencë në treg.

Indikatorët të cilat konsiderohen të sukseseshëm për periudhën e raportimit:

- Themelohet Drejtoria e Ndhmës Juridike Falas, në përputhje me legjislacionin në fuqi. Drejtoria ka një staf me kapacitet të mjaftueshëm për të garantuar aftësinë dhe për të ofruar shërbimet e kërkuara nga qytetarët:
  - Uebfaqja zyrtare [www.ndihmajuridike.gov.al](http://www.ndihmajuridike.gov.al)
  - juridiksioni.al
  - numri jeshil 0801010
- Realizuar moduli i parë të trajnimit të detyrueshëm të punonjësve të Qendrave Primare të Ndhmës Ligjore.
- Përcaktohen rregulloret dhe programi mësimor për trajnimin dhe metodat e provimit për testimin e kandidatëve për ndërmjetësim. (Dhoma Kombëtare e Ndërmjetësuesve)
- Projektimi i bazave të të dhënave elektronike. (Dhoma Kombëtare e Ndërmjetësuesve).

### **Angazhimi 7**

***Masa Prioritare 1: Rritja e kapaciteteve teknike dhe profesionale të Ministrisë së Drejtësisë për të pasur një faqe interneti plotësisht operative, ne menyre qe informacioni te publikohet në kohë reale dhe është i dobishëm për qytetarët kur ata te kërkojnë shërbime.***

Pranë Ministrisë së Drejtësisë u krijua grupi i punës me qëllim evidentimin e dokumenteve dhe proceseve të cilat duhet të publikohen në faqen zyrtare të Ministrisë së Drejtësisë me informacion të kuptueshëm për qytetarët dhe në përmbushje të aksesit në informacion.

Në këtë kuadër, Ministria e Drejtësisë në bashkëpunim me përfaqësuesit e Agjencisë Kombëtare të Shoqërisë së Informacionit ka krijuar një grup pune në

lidhje me përditësimin e faqes në internet ëëë.drejtësia.gov.al. Uebfaqja e re e krijuar do të lehtësojë qasjen në dokumentet zyrtare për qytetarët duke shkurtuar kohën e marrjes së informacionit dhe duke pasur mundësinë të informohen në kohë reale për të gjitha çështjet me kërkesë të secilit grup të interesit, duke sjellë risi dhe një ndikim të drejtpërdrejtë në të drejtën e informacionit dhe transparencës për të gjithë qytetarët ose grupet e interesit. Në faqen zyrtare të MD-së u realizua kategorizimi i posaçëm mbi çdo dokument politikash në 4 nën seksione ku përfshihet;

1. Baza ligjore e çdo strategjie,
2. Raportet e Monitorimit të Strategjisë përkatëse në gjuhën shqipe
3. Raportet e Monitorimit të Strategjisë përkatëse në gjuhën angleze
4. Njoftime

### ***Masa Prioritare 2: Rritja e transparencës dhe përmirësimi i aksesit të informacionit publik***

Në përputhje me kriteret ligjore për konsultimin publik, pas hartimit të draft raportit referuar strategjisë dhe planit të saj përkatës (përmendur këtu; raportet 6 mujore dhe vjetore të Strategjinë Ndërsektoriale të Drejtësisë, Strategjisë së Drejtësisë për të Mitur, Strategjisë së Edukimit Ligjor të Publikut etj) Ministria e Drejtësisë dërgon dokumentin për konsultim pranë institucioneve raportuese dhe organizatave të shoqërisë civile, si dhe e publikoi draftin në faqen zyrtare të Ministrisë së Drejtësisë, ku caktohet dhe një adresë elektronike për marrjen e komenteve, në faqen e internetit [www.drejtësia.gov.al](http://www.drejtësia.gov.al). Në përfundim të procesit konsultues, Ministria e Drejtësisë kryen reflektimin e komenteve/sugjerimeve relevante mbi draft raportin e monitorimit dhe Raporti i miratuar i monitorimit publikohet në faqen e internetit të Ministrisë së Drejtësisë. Faqja e internetit të Ministrisë do të vijojë të përditësohet me të gjitha raportet e monitorimit, kontributet dhe informacionet përkatëse për pjesëmarrjen efektive dhe duke informuar palët e interesuara. Gjithashtu, faqja zyrtare e Ministrisë së Drejtësisë në rrjete sociale është e vendosur në dispozicion të publikut duke e përditësuar në mënyrë aktive me njoftimet përkatëse në kuadër të transparencës dhe ofrimit të informacionit të nevojshëm.

**Faqja zyrtare Web e Ministrisë së Drejtësisë:** <https://www.drejtësia.gov.al/>

**Faqja zyrtare në Facebook:** Ministria e Drejtësisë

**Faqja zyrtare në Instagram:** ministria\_drejtësisë

	<p>Indikatorët të cilat konsiderohen të sukseseshëm për periudhën e raportimit:</p> <ul style="list-style-type: none"> <li>• Uebfaqja zyrtare e Ministrisë së Drejtësisë është azhurnuar plotësisht.</li> <li>• Publikimi i strategjive, raportet e monitorimit në faqen zyrtare të MD. Publikimi i përmbledhjeve të raporteve të ndryshme në gjuhë të thjeshtuar dhe të kuptueshme.</li> <li>• Kriteret për sistemin e zgjedhur të raportimit me komente nga ekspertët/konsultat e jashtme. Sistemi i raportimit i aprovuar dhe integruar në Ministrinë e Drejtësisë dhe të gjitha procedurat e institucioneve vartëse.</li> </ul>
<p><b>Përse është ky angazhim relevant me vlerat e Qeverisjes së Hapur/OGP?</b></p>	<p>Komponenti numër III është relevant me vlerat e Qeverisjes së Hapur/OGP pasi është konform katër parimeve të OGPtë cilat janë:</p> <p><b><u>Transparenca &amp; Qasja në Informacion</u></b></p> <p>Parimi kryesor i transparencës synon qasjen e qytetarëve në informacion dhe publikimin e tij në mënyrë të tillë që të jetë i aksesueshëm dhe gjerësisht i kuptueshëm nga individët dhe grupe të caktuara të shoqërisë.</p> <p>Informimi është niveli bazë ku hidhen themelet e bashkëpunimit mes institucioneve qeverisëse dhe qytetarëve. Në këtë kuadër të gjitha informacionet të gjitha dokumentet dhe të dhënat përkatëse si takimet konsultative të zhvilluara, konsultimi i draft dokumenteve janë lehtësisht të aksesueshme dhe të disponueshme.</p> <p><b><u>Llogaridhënia publike</u></b></p> <p>Terësia e masave dhe parashikimeve të këtij plani veprimi janë vënë me qëllimin për të forcuar përgjegjshmërinë e organeve dhe për të përfunduar qasjen e qytetarëve në drejtësi me procese sa më pak burrokratike.</p> <p>Standartizimi dhe bërja e më shumë informacionit publik, e bën qeverinë më transparente tek qytetarët dhe rrit përgjegjshmërinë në vendimarrje.</p> <p><b><u>Pjesëmarrja Publike &amp; Qytetare</u></b></p> <p>Përfshirja e palëve të interesuara në kuadër të përmirësimit të iniciativave të</p>

	<p>publikut drejt proceseve të bashkë-krijimit të planit të veprimit 2020-2022 ka qënë një ndër synimet kryesore.</p> <p><b><u>Teknologji &amp; Inovacion</u></b></p> <p>Teknologjitë e reja kanë qëllim shpërndarjen e informacionit publik, pjesëmarrjen e grupeve të interesit si dhe bashkëpunimin e tyre në kuadër të proceseve gjithëpërfshirëse. Web faqja e Ministrisë së Drejtësisë ka si synim përcjelljen tek publiku të informacionit të qartë dhe të dobishëm.</p>			
<b>Informacion shtesë</b>	<p>Aksesi në Drejtësi, Llogaridhënia dhe Transparenca konsiderohen komponentë me përparësi jo vetëm nën kuadrin e OGP, por edhe për programet e reformve ndërsektoriale sic është Strategjia Ndërsektoriale e Drejtësisë. Strategjia e miratuar në vitin 2016 si dhe plani i saj i veprimit me VKM Nr. 409, datë 19.6.2019 “Për miratimin e Planit e Veprimit 2019-2021 të Strategjisë Ndërsektoriale të Drejtësisë”.</p> <p>Gjithashtu, pas përfundimit të fazës së parë të reformës në drejtësi, e zyrtarizuar me Strategjinë Ndërsektoriale të Drejtësisë 2016-2020 (SND I), në shkurt të vitit 2020 filloi puna për rishikimin e Strategjisë Ndërsektoriale të Drejtësisë për vitet e ardhshme 2021-2025 e cila mban në konsideratë në përmbajtjen e saj elementët kryesorë të OGP. Vizioni i Strategjisë Ndërsektoriale të Drejtësisë 21-25: “<i>Sistem i drejtësisë i pavarur, llogaridhënës, i aksesueshëm, transparent dhe eficient që mbron të drejtat e njeriut dhe i shërben shoqërisë sipas standardeve evropiane</i>”.</p>			
<b>Niveli i realizimit</b>	<b>Nuk ka filluar</b>	<b>Limituar</b>	<b>Konsiderueshem</b>	<b>Perfunduar</b>
			X	
<b>Përshkrimi i rezultateve</b>	Referojuni <b>Aktivitetet/milestone</b> dhe ‘ <b>Si do të kontribojë angazhimi për të zgjidhur problematikën përkatëse?</b> ’			
<b>Hapat e tjere</b>	Aktivitetet e planifikuara janë zbatuar për periudhën përkatëse dhe po bëhen përpjekje të vazhdueshme për të përmirësuar më shumë transparencën në lidhje me cilësinë dhe thjeshtimin e informacionit që publikohet për këtë arsye aksesi në drejtësi është një angazhim që përfshihet në Planin e Ri të Veprimit të OGP për 2020-2022.			
<b>Aktivitetet/milestone në raport me produktet e verifikueshme</b>	<b>Fillimi</b>	<b>Përfundimi</b>	<b>Niveli i realizimit</b>	
<p><b>Angazhimi 6</b></p> <p><b>Masa prioritare 1</b></p> <p>Ndihma juridike ofrohet në një formë efikase dhe efektive e cila u siguron qytetarëve në nevojë, qasje të plotë në një shërbim të tillë</p>				

<b>Pika referimit 1:</b> Sistemi primar dhe sekondar i ndihmës juridike është plotësisht funksional dhe siguron qasje të barabartë në drejtësi për qytetarët në të gjithë vendin (burimet njerëzore, zyrat e ndihmës juridike primare dhe mjetet e duhura, kapaciteti teknik, etj.).	1 Janar 2020	31 Dhjetor 2021	Përfunduar
<b>Pika referimit 2:</b> Forcimi dhe ndërtimi i kapaciteteve përmes trajnimit të duhur për ofruesit e shërbimeve të ndihmës juridike falas në të gjithë vendin.	1 Janar 2020	31 Dhjetor 2021	Përfunduar
<b>Pika referimit 3:</b> Forcimi i bashkëpunimit ndërinstytucional ndërmjet Drejtorisë së Ndihmës Juridike Falas dhe institucioneve publike, si dhe me institucionet kombëtare dhe ndërkombëtare / organizatat e shoqërisë civile.	1 Korrik 2021	31 Dhjetor 2021	Përfunduar
<b>Pika referimit 4:</b> Krijimi i Forumit Ndërinstitucional për ndihmën juridike të garantuar nga shteti me sekretarinë teknike në Drejtorinë e Ndihmës Ligjore Falas.	1 Janar 2021	12 Dhjetor 2022	Limituar
<b>Masa prioritare 2</b>			
Procedura e ndërmjetësimit si një mekanizëm zgjidhjeje alternative, funksionale në praktikë jo vetëm në ligj, është efikase dhe çështjet zgjidhen me pëlqimin dhe marrëveshjen e plotë të palëve.			
<b>Pika referimit 5:</b> Rritja e bashkëpunimit midis Ministrisë së Drejtësisë dhe Dhomës Kombëtare të Ndërmjetësve (DHKN).	1 Janar 2021	12 Dhjetor 2022	Përfunduar
<b>Pika referimit 6:</b> Rritja dhe përmirësimi i kapaciteteve profesionale të ndërmjetësve përmes organizimit të trajnimeve fillestare të vazhdueshme, si dhe trajnimeve të trajnuesve.	1 Janar 2020	31 Dhjetor 2021	Proces
<b>Pika referimit 7:</b> Organizimi i fushatave sensibilizuese për shërbimin e ndërmjetësimit në vend.	1 Janar 2020	31 Dhjetor 2021	Përfunduar
<b>Pika referimit 8:</b> Dhoma Kombëtare e Ndërmjetësve do të krijojë një bazë elektronike të të dhënave në mënyrë që të regjistrojë çdo ndërmjetës që ushtron aktivitetin e tij në këtë fushë, gjithashtu aksesin të çdo qytetari të interesuar por edhe transparencën.	1 Janar 2021	31 Dhjetor 2021	Proces
<b>Angazhimi 7</b>			
<b>Masa prioritare 1</b>			
Rritja e kapaciteteve teknike dhe profesionale të Ministrisë së Drejtësisë për të pasur një faqe në internet plotësisht funksionale, kështu që informacioni të publikohet në kohë reale dhe informacioni të jetë i dobishëm për qytetarët kur kërkojnë shërbime			
<b>Pika referimi 1:</b> Krijimi i një grupi pune në Ministrinë e Drejtësisë (MD) në mënyrë që të identifikojë dokumentet dhe proceset që duhet të	1 Korrik 2020	31 Dhjetor 2020	Përfunduar



publikohen dhe si t'i bëjë këto më të arritshme (gjuhë jo-teknike, diagrama, koncepte të thjeshtuara).			
<b>Pika Referimit 2:</b> Analiza dhe hartimi i raportit mbi gjendjen aktuale të faqes së internetit në të cilën do të nxjerrë në pah informacionin e nevojshëm për të përmirësuar qasjen në informacion për publikun			
1 Korrik 2020			
31 Dhjetor 2020			
Përfunduar			
<b>Pika Referimit 3:</b> Faqja zyrtare e MD dhe institucioneve vartëse plotësisht funksionale dhe e arritshme me informacion të detajuar dhe të plotë të botuar.			
1 Janar 2021			
31 Dhjetor 2021			
Përfunduar			
<b>Masa prioritare 2:</b>			
Rritja e transparencës dhe përdorimit të aksesit në informacionin në publik			
<b>Pika Referimit 4:</b> Transparencë e shtuar në bërjen publike të raportimit të strategjive dhe zbatimit të planeve të tyre të veprimit, si dhe aktivitetet e gjithëpërfshirëse të institucionit.			
1 Janar 2020			
31 Dhjetor 2022			
Përfunduar			
<b>Pika Referimit 5:</b> Komunikimi audioviziv i veprimtarisë së institucionit si një mjet i rritjes së transparencës së shtuar (daljet televizive të Ministrit, fushata ndërgjegjësimi, aktivitetet sensibilizuese etj).			
1 Janar 2020			
31 Dhjetor 2022			
Përfunduar			
<b>Masa prioritare 3:</b>			
Forcimi i bashkëpunimit dhe koordinimit të aktivitetet dhe përgjegjësitë përkatëse të Ministrisë së Drejtësisë dhe institucioneve të vartësisë, të cilat do të kenë një ndikim pozitiv në transparencën dhe llogaridhënien, duke përfshirë, por pa u kufizuar në, inspektimet e kryera nga Ministria e Drejtësisë për institucionet respektive			
<b>Pika referimit 6:</b> Miratimi i manualeve, udhëzimeve, rregullave të brendshme përkatëse për funksionimin më efikas të institucionit.			
1 Janar 2021			
30 Korrik 2021			
Proces			
<b>Pika Referimit 7:</b> Miratimi i një sistemi efikas raportimi të detyrave dhe përgjegjësitë të secilit institucion në përputhje me transparencën dhe llogaridhënien.			
1 Janar 2021			
30 Korrik 2021			
Përfunduar			
<b>Informacion kontakti</b>			
<b>Emri i personit përgjegjës nga institucioni drejtues</b>		Elona Hoxha	
<b>Titulli, Departamenti</b>		Drejtoria e Politikave dhe Strategjive në Fushën e Drejtësisë	
<b>E-mail dhe telefon</b>		<a href="mailto:elona.hoxha@drejtesia.gov.al">elona.hoxha@drejtesia.gov.al</a>	
<b>Aktorë të tjerë të përfshirë</b>	<b>Aktorë të tjerë të përfshirë</b>	<b>Agjenci të tjera Qeveritare të Përfshira:</b> Institucione në varësi të Ministrisë së Drejtësisë (Drejtoria e Ndihmës Juridike Falas); Dhoma Kombëtare e Ndërmjetësve,	

	<b>Grupe pune, CSO, sektori privat, etj</b>	<i>Agjenci të tjera jo-qeveritare:</i> Organizata të shoqërisë civile, Fakulteti i Drejtësisë, Universiteti i Tiranës
--	---	---

DRAFT